



PERDANA
LEADERSHIP
FOUNDATION
YAYASAN
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Utusan Malaysia
Date	18/4/2014

Perlu gerak perkongsian strategik - Najib

um - 18/4/2014

ANKARA 17 April - Datuk Seri Najib Tun Razak percaya Malaysia dan Turki dapat menggerakkan konsep kesederhanaan, menjadi contoh negara Islam yang makmur dan pusat kepada ekonomi serantau selain aktif di pentas dunia menerusi perkongsian strategik kedua-dua negara.

Menyampaikan ceramah bertajuk "Turki-Malaysia Rakan Strategik Dalam Mengglobalisasikan Asia" anjuran Yayasan Politik, Ekonomi dan Penyelidikan Sosial (SETA) di sini, Perdana Menteri berkata, aspirasi itu bukannya satu-satunya perkara yang menghubungkan pendekatan Kuala Lumpur-Ankara untuk dasar luar.

Dalam hubungan ini, kata beliau, Malaysia sendiri telah menyediakan banyak pergerakan untuk Pasukan Bantuan Kes-

elamatan Antarabangsa (ISAF) di Afghanistan memainkan peranan aktif menyelesaikan konflik serantau, (menjadi) broker membantu perjanjian damai untuk menamatkan pemberontakan kejam di selatan Filipina dan mengambil langkah pertama ke arah rundingan di selatan Thailand yang bergolak.

"Ini merupakan komitmen kami kepada keamanan serantau melalui kesederhanaan dan rundingan yang menyokong usaha kami untuk menduduki kerusi tidak tetap dalam Majlis Keselamatan Pertubuhan Bangsa-bangsa Bersatu (PBB) bagi tahun 2015-2016.

"Bagi Malaysia, pengalaman kami telah menguatkan lagi kepercayaan kita dalam pepatah (pengasas Turki Moden), Mustafa Kemal Atatürk bahawa 'ketenangan

di rumah - keamanan di dunia'.

"Ia adalah salah satu daripada prinsip-prinsip yang terletak di tengah-tengah Perjanjian ASEAN Persahabatan dan Kerjasama, yang ditandatangani Turki pada 2010.

Dengan, bekerja mendepani isu-isu yang memberi kesan kepada kita - seperti pengawalan dan keganasan - kita boleh menguatkan keupayaan kita untuk memastikan hasil yang betul, secara dua hala, serantau dan dalam forum-forum global seperti PBB.

"Bersama langkah-langkah ini akan meletakkan asas untuk lebih terlibat, penglibatan Asia yang lebih aktif dalam agenda keselamatan antarabangsa," kata beliau.

Perdana Menteri yang tiba di sini malam tadi adalah dalam rangka lawatan rasmi dua hari ke

republik ini.

Dalam aspek ini, beliau menarik perhatian hadirin mengenai apa yang maksudkan dengan 'globalisasi' di Asia.

"Lima puluh tahun yang lalu, Asia menyumbang kurang 15% daripada pengeluaran global. Hari ini ia adalah lebih daripada 40%.

"Dalam tempoh satu generasi, rantau yang paling ramai penduduk di bumi ini menjadi salah satu yang paling makmur. Lima puluh tahun lalu, ekonomi Korea Selatan lebih kecil daripada Mozambique, hari ini ia hampir sama dengan seluruh sub-Sahara Afrika. Lima puluh tahun lalu, Kuala Lumpur tidak dikelaskan sebagai sebuah bandar raya, (tetapi) hari ini ia adalah dua kali sebesar San Francisco," kata beliau.

Dalam dekad yang akan datang pula, kata Perdana Menteri, China

akan menjadi kuasa ekonomi terbesar di dunia.

"Menjelang akhir dekad ini, keberhasilan Asia akan melebihi dari Eropah dan Amerika Utara. Dan ini pembangunan ekonomi yang luar biasa - mungkin yang paling cepat dalam sejarah yang disertakan dengan gelombang reformasi politik.

"Akibatnya, benua ini menguasai bahagian yang lebih besar daripada perhatian dunia," kata beliau.

Kata Perdana Menteri: "Inilah globalisasi Asia yang bermakna. Didorong oleh pertumbuhan ekonomi dan pengaruh geopolitik yang semakin meningkat, peranan Asia di dunia ini berubah-ubah. Dan sebanyak 4.3 bilion orang di benua ini tidak boleh bercakap dengan suara tunggal."

- UTUSAN